

- (2) Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.
- (3) Udruženja koja su registrovana u prethodnoj godini i nisu dobili sredstva za

finansiranje/sufinansiranje rada javnih kuhinja, nisu dužna da dostave izvještaj o urednom finansijskom poslovanju (bilans stanja i bilans uspjeha).

Član 6.
(Odluka o raspisivanju javnog poziva)

Za dodjelu sredstava iz budžeta, a za finansiranje/sufinansiranje rada javnih kuhinja, ministar Ministarstva zdravstva, rada i socijalne politike (u daljnjem tekstu: ministar) donosi odluku o raspisivanju javnog poziva, u kojoj će biti naveden ukupan iznos sredstava koji će biti dodijeljen po javnom pozivu.

Član 7.
(Javni poziv)

- (1) Ministarstvo nakon usvajanja budžeta za tekuću godinu, raspisuje javni poziv za raspodjelu sredstava za finansiranje / sufinansiranje rada javnih kuhinja.
- (2) Javni poziv se objavljuje na internet stranici Vlade Unsko-sanskog kantona i oglasnoj tabli Ministarstva zdravstva, rada i socijalne politike.

Član 8.
(Formiranje Komisije za obradu prijave na javni poziv)

Ministar će imenovati Komisiju za obradu prijave na javni poziv (u daljnjem tekstu: Komisija), koju će činiti 3 člana.

Član 9.
(Zahtjev za dodjelu sredstava)

- (1) Korisnici sredstava dostavljaju Ministarstvu zahtjev za dodjelu sredstava sa dokazima o ispunjavanju propisanih kriterija utvrđenih ovom Odlukom.
- (2) Zahtjevi za finansiranje/sufinansiranje podnose se na prijavnom obrascu za finansiranje/sufinansiranje rada javnih kuhinja iz Budžeta.
- (3) Zahtjevi primaoca finansijske podrške za realizaciju aktivnosti javnih kuhinja koji nisu dostavili ili su dostavili nepotpun izvještaj o utrošku sredstava za aktivnosti udruženja za koji su imali u prethodnom periodu odobrena budžetska sredstva, odnosno za koje se utvrdi

da su sredstva utrošili nenamjenski, ne mogu biti prihvaćeni za finansiranje za narednu godinu.

Član 10.
(Rok i način podnošenja zahtjeva za dodjelu sredstava)

- (1) Rok za podnošenje zahtjeva za dodjelu sredstava je osam dana od dana objave javnog poziva.
- (2) Zahtjevi za dodjelu sredstava se podnose Ministarstvu zdravstva, rada i socijalne politike u zatvorenoj koverti putem pisarnice Vlade Unsko-sanskog kantona ili poštom na adresu Ministarstva zdravstva, rada i socijalne politike ul. Alije Đerzeleza 2, 77000 Bihać, sa naznakom „Prijava na Javni poziv za finansiranje/sufinansiranje rada javnih kuhinja iz Budžeta Unsko-sanskog kantona za 2026. godinu - ne otvaraj“.

Član 11.
(Neblagovremeni i nepotpuni zahtjevi)

- (1) Neblagovremene zahtjeve komisija neće uzeti u razmatranje i vratit će ih podnosiocu neotvorene.
- (2) Nepotpune zahtjeve komisija će odbaciti i o tome obavijestiti podnosioca.

Član 12.
(Zadatak Komisije)

Komisija će u roku određenom rješenjem, obaviti sljedeće poslove:

- a) donijeti poslovnik o radu,
- b) izvršiti provjeru ispunjenosti kriterija podnosioca zahtjeva,
- c) izvršiti procjenu rada udruženja u vezi s javnim kuhinjama,
- d) sačiniti bodovnu listu udruženja koje ispunjavaju kriterije, sa prijedlogom pojedinačnih iznosa novčanih sredstava za dodjelu,
- e) sačiniti Odluku o listi udruženja koja ne ispunjavaju kriterije,
- f) listu i odluku iz tačke d) i e) dostaviti ministru.

Član 13.
(Prigovor)

Udruženja imaju pravo podnošenja prigovora ministru na odluku Komisije o

odbacivanju ili odbijanju zahtjeva u roku od tri dana od dana prijema odluke.

Član 14. (Konačan prijedlog liste)

Konačan prijedlog liste korisnika sredstava po Javnom pozivu za finansiranje/sufinansiranje rada javnih kuhinja iz Budžeta Unsko-sanskog kantona za 2026. godinu utvrđuje ministar i predlaže Vladi Unsko-sanskog kantona način raspodjele sredstava.

Član 15. (Potpisivanje ugovora i doznačavanje sredstava)

- (1) Korisnici sredstava utvrđeni na konačnoj rang listi će sa Ministarstvom potpisati ugovor o međusobnim pravima i obavezama, čiji osnovni elementi su: podaci o ugovornim stranama, predmet i vrijednost ugovora, rok za realizaciju i nadzor nad realizacijom odobrenih sredstava, povrat doznačenih sredstava.
- (2) Doznačavanje odobrenih sredstava udruženjima vršit će se u skladu sa sredstvima utvrđenim u Budžetu.

Član 16. (Izvještaj o namjenskom utrošku sredstava)

- (1) Korisnici sredstava iz ove Odluke dužni su na propisanom obrascu (Obrazac II), Ministarstvu dostaviti izvještaj o namjenskom utrošku sredstava doznačenih iz Budžeta, a najkasnije u roku od 90 dana od dana doznačavanja sredstava.
- (2) Uz obrazac izvještaja prilažu se dokazi na temelju kojih se može utvrditi na koju aktivnost se odnose te kada su sredstva utrošena i to:

- a) račun sa fiskalnim računom,
- b) izvod sa bankovnog računa,
- c) dokaz o izvršenoj uplati-uplatnica.

- (3) Dokazi koji se prilažu uz obrazac izvještaja mogu se dostavljati u fotokopiji, ali Ministarstvo može tražiti uvid u originalni primjerak.
- (4) Neprihvatljivim načinom utroška sredstava će se smatrati zbirna nabavka namirnica, sirovina,

materijala ili usluga, odnosno zbirno pravdanje sredstava iz više izvora finansiranja.

- (5) Ministarstvo će Izvještaj o utrošenim sredstvima dostaviti Vladi Unsko-sanskog kantona na razmatranje i usvajanje.

Član 17. (Nadzor nad utroškom sredstava)

- (1) Redovan nadzor nad namjenskim utroškom sredstava vrši Ministarstvo i budžetska inspekcija Kantona po zahtjevu nosioca budžetskih sredstava, Vlade Unsko-sanskog kantona ili u okviru svojih redovnih inspekcijskih nadzora nad utroškom budžetskih sredstava.
- (2) Ministarstvo zadržava pravo da korisnicima sredstava za koje se utvrdi da nisu ispunili obaveze utvrđene ugovorom iz člana 15., obustavi dalje finansiranje/sufinansiranje odobrenih aktivnosti udruženja te traži da korisnik sredstava izvrši povrat utrošenih sredstava, kao i da ne prihvati finansiranje/sufinansiranje rada tog udruženja za narednu godinu.

Član 18. (Obrasci)

Sastavni dio ove Odluke čine prijavni obrazac za finansiranje/sufinansiranje rada javnih kuhinja iz Budžeta Unsko-sanskog kantona za 2026. godinu (Obrazac I) i izvještaj o utrošenim sredstvima za finansiranje / sufinansiranje rada javnih kuhinja iz Budžeta (Obrazac II).

Član 19. (Stupanje na snagu)

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-44-883/2026
6. augusta 2026. godine
Bihać

PREMIJER KANTONA
mr. sci. Mustafa Ružnić

(Obrazac I)

.....
Naziv podnosioca zahtjeva

(sjedište)

(ulica i broj)

(općina)

(E-mail)

Kontakt osoba: tel. mob.

Ovlaštena osoba: tel. mob.

Organiziranost i broj članova udruženja

.....
Specifičnost potreba članova udruženja

**Prijavni obrazac za finansiranje/sufinansiranje rada javnih kuhinja
iz Budžeta Unsko-sanskog kantona za 2026. godinu**

Prijedlog aktivnosti udruženja (naziv aktivnosti):

.....

Navedi opis problema/potreba, ciljeve, ciljne grupe aktivnosti udruženja u vezi s javnim kuhinjama (detaljnije obrazložiti ekonomsku ili društvenu opravdanost aktivnosti)

.....

.....

.....

Pregled kapaciteta za provođenje aktivnosti udruženja u vezi s javnim kuhinjama (oprema, prostor i osoblje)

.....

Očekivani iznos sredstava iz Budžeta Unsko-sanskog kantona KM

Broj stalnih korisnika javne kuhinje

Uz ovaj obrazac (popunjen, potpisan i ovjeren) prilažem slijedeće dokumente:

1. rješenje o registraciji;
2. zapisnik sa posljednje održane skupštine udruženja;
3. uvjerenje o poreskoj registraciji - identifikacioni broj;
4. uvjerenje o izmirenim poreskim obavezama;
5. uvjerenje o izmirenim porezima i doprinosima za zaposlenike (ukoliko ima zaposlenika);
6. bilans stanja i bilans uspjeha ovjereni od strane FIA za prethodnu godinu.
7. finansijski izvještaj o utrošku sredstava za finansiranje/sufinansiranje programa i rada udruženja u prethodnoj godini (osim ukoliko nisu finansirani u protekloj godini iz Budžeta USK ili su registrovani u prošloj godini);
8. popis stalnih korisnika javne kuhinje;
9. tačan naziv banke i podaci o transakcijskom računu.

Datum.....

M.P.

.....
Ovlaštena osoba podnosioca zahtjeva

(Obrazac II)

.....
Naziv podnosioca zahtjeva
.....
(sjedište) (ulica i broj) (općina) (E-mail)
Kontakt osoba: tel. mob.
Ovlaštena osoba: tel. mob.

Izvještaj
o utrošenim sredstvima za finansiranje/sufinansiranje rada javnih kuhinja iz
Budžeta Unsko-sanskog kantona za 2026. godinu

1. Dodjeljena sredstva su u iznosu od :

KM

2. Dodjeljena financijska sredstva bila su operativna dana :

3. Opis aktivnosti udruženja u vezi s javnim kuhinjama

Opis aktivnosti udruženja	Iznos sredstava (KM)	Drugi izvori
Ukupno:		

4. Kratak opis aktivnosti/ šire obrazloženje može se dostaviti i kao prilog uz ovaj izvještaj / :